



**Republika e Kosovës**  
**Republika Kosova**  
**Republic of Kosovo**



**Komuna e Kaçanikut**  
**Opština Kaçanik**  
**Municipal Kaçanik**

**01Nr. 60/01-32951/22**  
**Kaçanik, 29.12.2022**

Në bazë të nenit 40.2(d) të Ligjit Nr. 03L-/040- Për Vetëqeverisjen Lokale (Gazeta Zyrtare Nr. 28 /04 Qershor 2008 e Republikës së Kosovës), të neneve 34.5 dhe 36 lidhur me nenet 40, 41 dhe 42 të Statutit të Komunës, të nenit 15(c) lidhur me nenin 24 të Rregullores për Punë të Kuvendit, të Propozimit të Komisionit 01Nr. 60/01-32951/22 të datës 15 dhjetor 2022 -Për hartimin e Planit të punës së Kuvendit të Komunës për vitin 2023, Kuvendi i Komunës Kaçanik në mbledhjen e mbajtur me 29 dhjetor 2022 mori këtë:

**V E N D I M**  
**PËR APROVIMIN E PLANIT TË PUNËS SË KUVENDIT TË KOMUNËS**  
**PËR VITIN 2023**

1. Me këtë Vendim, APROVOHET Plani i Punës së Kuvendit të Komunës së Kaçanikut për vitin 2023.
2. Plani vjetor i cekur në pikën 1. të këtij vendimi, përmban; numrin e mbledhjeve, pikat – temat orientuese që do të shqyrtohen nga ana e kuvendit, vendi dhe ora e mbajtjes, kryesimi i mbledhjeve si dhe numrin e mbledhjeve që do të kompensohen për aktivitetin e kuvendit dhe trupave punuese të tij, për vitin 2023.
3. Kuvendi i Komunës Kaçanik, në vitin 2023, planifikon t'i mbajë gjithsej, 12 mbledhje të rregullta. Çdo mbledhje të kuvendit të komunës i paraprinë mbledhja e Komitetit për Politikë dhe Financa.

Mbledhjet e rregullta të kuvendit të komunës, do të mbahen sipas këtij plani të punës:

**PLANI I MBLEDHJEVE TË KUVENDIT  
PËR VITIN 2023**

Nr.	Mbledhjet	Periudha Kohore	Vendi i mbajtjes	Ora	Rendi i Punës	Kryesimi i mbledhjeve
1	2	3	4	5	6	7
<b>01.</b>	Mbledhja e I	Javën e fundit të muajit janar	Katin i III Salla e KK	11:00	<ol style="list-style-type: none"> <li>1. Aprovimi i Procesverbalit nga mbledhja e fundit e KK e vitit 2022;</li> <li>2. Plani i punës së Ekzekutivit të komunës për vitin 2023;</li> <li>3. Plan i punës së Komitetit për Komunitete për vitin 2023;</li> <li>4. Plani i punës së Komitetit Konsultativ për Personat me Aftësi të Kufizuara, për vitin 2023;</li> <li>5. Informatë e Drejtorisë së Arsimit për përfundimin e gjysmë vjetorit të parë të vitit shkollor, 2022/2023;</li> <li>6. Propozim Vendimi për ndarjen e masës drusore të konfiskuar në vitin 2022, shkollave të komunës;</li> <li>7. Informatë e Shtabit komunal për parandalimin e pandemisë COVID-19, për vitin 2022;</li> <li>8. Informatë për Aktivitetin e Kuvendit të Komunës për vitin 2022.</li> </ol>	Kryesuesi i KK
<b>02.</b>	Mbledhja e II	Javën e fundit të muajit shkurt	- " -	11:00	<ol style="list-style-type: none"> <li>1. Aprovimi i Procesverbalit nga mbledhja e I e rregullt e Kuvendit të Komunës për vitin 2023;</li> <li>2. Raporti i punës së Komitetit për Komunitete për vitin 2022;</li> <li>3. Raporti i punës së Komitetit Konsultativ për Personat me Aftësi të Kufizuara, për vitin 2022;</li> <li>4. Propozim Vendimi për bartjen e mjeteve të pashpenzuara nga viti 2022 në vitin 2023;</li> <li>5. Raporti i punës së Ekzekutivit të komunës për vitin 2022;</li> <li>6. Informatë e Zyrës së personelit për aktivitetin e zhvilluar në vitin 2022 ;</li> </ol>	- " -

					<ul style="list-style-type: none"> <li>7. Plani i punës së KKSB për vitin 2023;</li> <li>8. Raportit financiar i komunës për periudhën janar-dhjetor 2022;</li> <li>9. Raporti i punës së Auditorit të brendshëm për vitin 2022.</li> </ul>		
03.	Mbledhja e III	Javën e fundit të muajit mars	--	11:00	<ul style="list-style-type: none"> <li>1. Aprovimi i Procesverbalit nga mbledhja e II-të e rregullt e kuvendit të komunës;</li> <li>2. Raporti i punës së Komitetit për Politikë dhe Financa për vitin 2022;</li> <li>3. Informatë mbi zbatimin e Ligjit kundër duhanit në territorin e komunës së Kaçanikut;</li> <li>4. Informatë për zbatimin e planit të integritetit;</li> <li>5. Raporti (Informatë) i MAPL për funksionimin e komunave të Republikës së Kosovës për vitin 2022;</li> <li>6. Shqyrtimi i ndonjë propozim rregulloreje apo propozim vendimi të propozuar nga Ekzekutivi i komunës.</li> </ul>	--	
04.	Mbledhja e IV	Javën e fundit të muajit prill	--	11:00	<ul style="list-style-type: none"> <li>1. Aprovimi i Procesverbalit nga mbledhja e III-të e rregullt e Kuvendit të komunës;</li> <li>2. Raporti tremujor financiar i komunës, janar – mars 2023;</li> <li>3. Shqyrtimi i ndonjë propozim rregulloreje apo propozim vendimi të propozuar nga Ekzekutivi i komunës.</li> </ul>	--	
05.	Mbledhja e V	Javën e fundit të muajit maj	--	11:00	<ul style="list-style-type: none"> <li>1. Aprovimi i Procesverbalit nga mbledhja e IV-të e rregullt e Kuvendit të komunës;</li> <li>2. Informatë mbi Qarkoren e I (Parë) buxhetore të ministrisë së Financave;</li> <li>3. Informatë për aktivitetin e komiteteve funksionale të kuvendit;</li> <li>4. Informatë për zbatimin e Rregullores për mbrojtjen e drejtave të fëmijëve;</li> <li>5. Shqyrtimi i ndonjë propozim rregulloreje apo propozim vendimi të propozuara nga ekzekutivi i komunës.</li> </ul>	--	

06.	Mbledhja e VI	Javën e fundit të muajit qershor	--	11:00	<ol style="list-style-type: none"> <li>1. Aprovimi i Procesverbalit nga mbledhja e V-të e rregullt e Kuvendit të komunës;</li> <li>2. Korniza afatmesme buxhetore e komunës (KAB) për vitet 2024-2026;</li> <li>3. Propozim Vendimi për rishikimin e buxhetit të komunës për vitin 2023;</li> <li>4. Shqyrtimi i Raportit (Informatës) i aktiviteteve të KKSb-së;</li> <li>5. Shqyrtimi i ndonjë propozim rregulloreje apo propozim vendimi të propozuar nga ekzekutivi i komunës;</li> <li>6. Informatë për realizimin e planit të prokurimit.</li> <li>7. Informatë për performancën e komunës për vitin 2022.</li> </ol>	--	
07.	Mbledhja e VII	Javën e dytë të muajit korrik	--	11:00	<ol style="list-style-type: none"> <li>1. Aprovimi i Procesverbalit nga mbledhja e VI-të e rregullt e Kuvendit të komunës;</li> <li>2. Raporti gjashtëmujor financiar, janar - qershor 2023;</li> <li>3. Shqyrtimi i raportit të Auditorit të përgjithshëm për komunën e Kaçanikut për vitin 2022;</li> <li>4. Plani i veprimit për zbatimin e rekomandimeve sipas raportit të Auditorit për vitin e përfunduar me 31 dhjetor 2022;</li> <li>5. Raport (Informatë) i MAPL për funksionimin e komunave të Republikës së Kosovës për periudhën Janar- Qershor 2022.</li> <li>6. Shqyrtimi i ndonjë propozim rregulloreje apo propozim vendimi të propozuar nga ekzekutivi i komunës.</li> </ol>	--	

08.	Mbledhja e VIII	Java e fundit e muajit korrik			<ol style="list-style-type: none"> <li>1. Aprovimi i Procesverbalit nga mbledhja e VII-të e rregullt e kuvendit të komunës;</li> <li>2. Informatë për realizimin e buxhetit të komunës për vitin 2023;</li> <li>3. Shqyrtimi i ndonjë propozim rregulloreje apo propozim vendimi të propozuar nga Ekzekutivi i komunës;</li> <li>4. Informatë mbi përfundimin e fushatës së korrje-shirjeve;</li> <li>5. Informatë për aktivitetin e Zyrës për Barazi Gjinore.</li> </ol>		
09.	Mbledhja e IX	Javën e fundit të muajit shtator	-“-	11:00	<ol style="list-style-type: none"> <li>1. Aprovimi i Procesverbalit nga mbledhja e VIII e rregullt e kuvendit të komunës;</li> <li>2. Shqyrtimi dhe miratimi i buxhetit të komunës për vitin 2024 dhe projeksionet për vitet 2025-2026;</li> <li>3. Propozim vendimi për aprovimin e normave tatimore të tatimit në pronë për vitin 2024;</li> <li>4. Raporti i zbatimit të rekomandimeve të raportit të Auditorit për vitin e përfunduar me 31 dhjetor 2022;</li> <li>5. Informatë e Drejtorisë së Arsimit për përfundimin e vitit shkollor 2022/2023;</li> <li>6. Informatë e Drejtorisë së Arsimit për fillimin e vitit të ri shkollor, 2023-2024;</li> <li>7. Shqyrtimi i ndonjë propozim vendimi të propozuar nga Ekzekutivi i komunës.</li> </ol>	-“-	
10.	Mbledhja e X	Javën e fundit të muajit tetor	-“-	11:00	<ol style="list-style-type: none"> <li>1. Aprovimi i Procesverbalit nga mbledhja e IX e rregullt e kuvendit të Komunës;</li> <li>2. Raporti financiar i komunës, janar- shtator 2023;</li> <li>3. Shqyrtimi i ndonjë propozim rregulloreje apo propozim vendimi të propozuar nga ekzekutivi komunës.</li> </ol>	-“-	

11.	Mbledhja e XI	Javën e fundit të muajit nëntor	--	11:00	<ol style="list-style-type: none"> <li>1. Aprovimi i Procesverbalit nga mbledhja e X e rregullt e Kuvendit të komunës;</li> <li>2. Shqyrtimi i ndonjë propozim rregulloreje apo propozim vendimi të propozuar nga Ekzekutivi i komunës;</li> <li>3. Informatë e DUKMM për procesin e legalizimit të objekteve të ndërtimit;</li> <li>4. Informatë e Kryetarit të komunës mbi gjendjen e përgjithshme të komunës;</li> <li>5. Informatë e drejtorisë se Bujqësisë për të mbjellat vjeshtore;</li> <li>6. Diskutim për aktivitetet kundër dhunës në baza gjinore.</li> </ol>	--
12.	Mbledhja e XII	Periudha; 19 - 23 dhjetor 2023	--	11:00	<ol style="list-style-type: none"> <li>1. Aprovimi i Procesverbalit nga mbledhja e XI e rregullt e kuvendit të komunës;</li> <li>2. Informatë e KKSB për aktivitetin e zhvilluar në vitin 2023;</li> <li>3. Informatë për zbatimin e planit vjetor të Prokurimit publik për vitin 2023;</li> <li>4. Informatë për funksionimin e këshillave lokale;</li> <li>5. Propozim Vendimi për aprovimin e listës së veçantë të pronave komunale të cilat planifikohen të jepen në shfrytëzim në vitin 2024;</li> <li>6. Shqyrtimi i ndonjë propozim vendimi të propozuar nga Ekzekutivi i komunës.</li> </ol>	--

4. Mbledhjet e kuvendit të komunës caktohen nga Kryesuesi i kuvendit, në konsultim me Kryetarin e komunës.

4.1. Minimumi i mbledhjeve të rregullta të kuvendit të komunës për një vit kalendarik është 10 mbledhje të rregullta, prej tyre se paku 5 mbledhje të rregullta duhet të mbahen në gjashtëmujorin e parë të vitit kalendarik, sipas LVL neni 43.2.

4.2. Maksimumi i mbledhjeve të kuvendit të komunës me karakter pune, me pagesë për një vit kalendarik është 12 Mbledhje.

5. Kuvendi i Komunës Kaçanik, gjatë vitit 2023, i ka paraparë me Planin e punës me i mbajtur gjithsej 12 mbledhje me pagesë.

5.1. Kuvendi i komunës mund të mbajë edhe mbledhje tjera më shumë së 12 mbledhje të rregullta, por nga mbledhja e 13 të gjitha mbledhjet e kuvendit të komunës me karakter pune, e rregullt apo jo e rregullt, do të jenë pa pagesë.

5.2. Aktiviteti i zhvilluar i kuvendit të komunës është barrë e buxhetit të komunës, për vitin 2023 nga Programi buxhetor, Zyra e Kuvendin e Komunës, për; Paga dhe Mëditje dhe për: Mallra dhe Shërbime;

5.3. Shpenzimet: Për Paga dhe Mëditje do të paguhen:

5.3.1. Paga mujore e Kryesuesit të Kuvendit për 12 muaj,

5.3.2. Paushall mujor për anëtarët e KK sipas akteve në fuqi,

5.3.3. Kompensimi i mëditjeve për 12 mbledhje të kuvendit për 26 anëtarë të Kuvendit, për pjesëmarrje në mbledhje,

5.3.4. Kompensimi i mëditjeve për 12 mbledhje të KPF për 6 anëtarë, për pjesëmarrje në mbledhje,

5.3.5. Kompensimi i mëditjeve për 10 mbledhje të Komitetit për komunitete për 5 anëtarë për pjesëmarrje në mbledhje,

5.3.6. Kompensimi i mëditjeve për 6 mbledhje të ndonjë komiteti nga komitetet tjera, për 5 anëtarë për pjesëmarrje në mbledhje.

5.3.7. Kompensimi i mëditjeve për 6 mbledhje të Komitetit konsultative për persona me aftësi të kufizuara, për 7 anëtarë për pjesëmarrje në mbledhje.

5.3.8. Nëse mungon anëtari në mbledhje të kuvendit apo të komiteteve, heqja e mëditjes do të bëhet në pajtim me aktet në fuqi.

5.4. Shpenzimet për mallra dhe shërbime janë me buxhetin e komunës të vitit 2023, ku përfshihen;

5.4.1. Shpenzime të furnizimit për zyre dhe blerje tjera mallra e shërbime;

5.4.2. Shpenzime për dreka zyrtare, ku përfshihen: shpenzimet e bufesë për zyrën e kryesuesit, shpenzimet për ujë dhe pije për mbledhje të kuvendit dhe komitete të kuvendit, shpenzimet për debatin publik të organizuar me qytetarë të komunës, për buxhetin e komunës për vitin 2024 dhe projeksionet për vitin 2025-2026 (ujë dhe pije), organizuar nga kryesuesi i kuvendit,

5.4.3. Shpenzime të tjera; udhëtime zyrtare jashtë vendit, vizitë zyrtare e anëtarëve të KK jashtë vendit, informim publik, marketing, botime e publikime dhe shpenzime të përfaqësimit.

6. Të gjitha mbledhjet e rregullta të kuvendit të komunës do të mbahen vetëm ditëve të punës.

6.1. Materialet që i adresohen kuvendit të komunës, janë kryesisht çështje të propozuara nga Ekzekutivi i komunës, e që kalojnë procedurën e shqyrtimit dhe aprovimit të KPF-s, dhe të njëjtat, me rekomandim të KPF-s i kalojnë kuvendit të komunës për shqyrtim dhe miratim apo në procedurë të mëtejme.

- 6.1. Njoftimet për mbledhje të kuvendit të komunës bëhen publike.
- 6.2. Materialet për mbledhjet e rregullta të kuvendit të komunës iu dërgohen anëtarëve të kuvendit të komunës 7 ditë para mbajtjes së mbledhjes.
- 6.3. Njoftimet dhe materiali i mbledhjes i dërgohet edhe kryetarit të komunës dhe Ministrisë së Administrimit të Pushtetit Lokal.
7. Ky Plan pune i mbledhjeve të kuvendit të komunës, është plan orientues edhe për mbledhjet e KPF, të cilat mbledhje do të mbahen para mbledhjeve të kuvendit të komunës në pajtim me dispozitat ligjore, me të gjitha pikat e propozuara, me përjashtim të procesverbalit të mbledhjeve të kuvendit, planeve dhe raporteve të trupave punuese të KK.
8. Kuvendi i komunës Kaçanik, në muajin shtator do të mbajë Dëgjim publik me qytetarë për Propozim-Buxhetin e komunës për vitin 2024 dhe projeksionet për vitet: 2025-2026, para se të aprovohet buxheti në kuvend.
9. Të gjitha mbledhjet e rregullta të KK do të jenë hapura për; qytetarë, media dhe për çdo të interesuar tjetër.
- 9.1. Nëse ndonjë mbledhje e rregullt apo pjesë e mbledhjes do të mbahet me dyer të mbyllura, atëherë për këtë duhet të vendosë kuvendi i komunës.
- 9.2. Nëse mbledhja mbahet me dyer të hapura, në mbledhjet mund të marrin pjesë qytetarë të komunës, mediat dhe të interesuar të tjerë, në përputhje me kushtet dhe mundësitë fizike.
10. Kuvendi i komunës për gjatë muajit gusht, do të jetë në pushim vjetor.
- 10.1. Për fillimin dhe mbarimin e pushimit, kuvendi i komunës do të njoftohet paraprakisht.
- 10.2. Për gjatë pushimit (muajin gusht) nuk planifikohet mbajtja e ndonjë mbledhje përveç nëse paraqitet ndonjë çështje eventuale, atëherë nuk përjashtohet mundësia të mblidhet kuvendi i komunës.
11. Plani i përcaktuar i kuvendit të komunës për vitin 2023, është orientues e nuk do të thotë se nuk pëson ndryshime varësisht nga kërkesat dhe nevojat që paraqitën.
12. Ky Vendim hyn në fuqi sipas nenit 17 të Rregullores (MAPL) Nr.01/2017- për procedurën e hartimit dhe publikimin e akteve të komunës.

